

ERYCI PVTEANI
CIRCVLVVS
VRBANIANS,
SIVE
LINEA APXHMEPINH,

COMPENDIO DESCRIPTA:

Quâ Dierum Civilium principium Hieraticum,
in Orbe terrarum hætenus desideratum,
constituitur,

Ad VRBANVM VIII. Pontificem Opt. Max.



LOVANIÏ,
Apud IOAN. OLIVERIVM, &
COENESTENIVM. M.DC.XXXII.

VRBANO VIII.

PONTIFICI OPTIMO MAXIMO,
SANCTISSIMAE IN TERRIS MAIESTATI

VIRTVTEM,

DIGNITATI DOCTRINAM,

DIVINA INGENII FELICITATE,

QVA MVNDVS PATET, EXAEQVANTI,

NOVVM MVNDI CIRCVLVM,

PER VRBEM ROMAM, POLVM VTRVMQVE,

ET ANTIPODES DESCRIPTVM,

VERVM ORIENTIS ET OCCIDENTIS TERMINVM,

SACRVM DIERVM PRINCIPIVM,

DESIDERATVM TEMPORIS NEXVM,

DIEM IN MOMENTO, ET MOMENTVM IN DIE,

ERYCIVS PVTEANVS

VRBANI ANVM

AETERNITATIS CAVSSA APPELLANS,

D. C. Q.

ERYCIUS PVTEANVS
 VIROS DOCTRINA CLAROS,
 TERRAE, MARIS, TEMPORVM
 PERITOS,

Ad NOVI CIRCVLI examen vocat.

TEMPORVM doctrina, quā
 calum, & terra, & quicquid
 agunt homines continetur, amē-
 niores semper mentes occupavit.
 Partes ejus varia sunt; sed alia
 aliis placuerunt: mihi hac potissi-
 mum inter alias, ut dies, & sic annos omnes, tan-
 quā unum; prateritos & futuros, tanquā
 praesentes computarem. Hac industriā, quā felicis-
 sima fuit, ad novam contemplationem proVectus,
 ipsum quarere dierum in Orbe principium cæpi;
 diversum singulis hactenus populis, ut omnibus
 nullum esset: non quasitum, quia deesse nemo
 animadvertit. A media nocte, ut civilis hodie &
 hieratica obtinet ratio, principium sumimus; sed
 mediā noctis, mundum continuo ambientis, nul-
 lum adhuc principium est: quasi dicam, principium
 principio carere. Res tanta absolvi lineā potuit:
 A ij quam

quam ut paucis nuper pagellis VRBANO VIII. Summo & Sacrorum & studiorum Antistiti proposui : ita vobis nunc omnibus , qui terra , maris , temporum periti estis , examinandam represento : ut si res in uentione nova , & usu necessaria vestro quoque firmetur calculo , pretium ac pondus apud summam Purpuram inueniat : intelligant mortales omnes , quomodo principium suum dies in terris non habeant , qui incipiunt quotidie ac desinunt ; quomodo accepturi , cum hactenus non habuerint . Si rectè calculum ponimus , non potuit per tot jam annorum millia circumduci in se dies , nisi aut unus semper , & eodem esset nomine ; aut duo in uno simul , ac diuersis nominibus distinguerentur . Homines igitur , aut Sol ipse ab errore vindicandus est : vocandus ad LINEAM dies , ut lucem inueniat : vocandus CIRCULO , qui ut perfectissimus sit , nomen ab VRBANO sumat ; & ut dari ab ipsa quodammodò natura videatur , infernè per Oceanum Eoum , siue Indicum , supernè per urbem ipsam Romam , utrique inhaerens polo , ducatur . Summo id quidem jure , ut ipsa Orbis metropolis è sacro Religionis solio , diem omnibus erogans , subiectâ sibi velut vix ἀντιμέτωγος metâ ac termino , universam temporis dimensionem ordinet.

net. Sicut terris tandem jungentur maria, & unus erit mundus, qui luminis ac tenebrarum vicibus distinctus est: sic homines ipsi, quem quotidie vident solem, intelligent, & quem mutare navigationis circuitu solent diem, retinebunt: sic denique, omnis temporum, Sacrorum, commerciorum, eliso errore, cessabit confusio, & ordine suos humana ubique decurrent. Hoc quod promo, majoris & jam parati operis specimen est, inventionis rudimentum breviter exhibens. Nunc igitur in negotio, quod omnes spectat homines, vestrum, qui inter homines ingenio, doctrinâ, peritiâ eminentis, iudicium exploro. Prout quisque vel iuvabit, vel monebit, bene de publico merebitur: ego autem animosius, post rudimentum, ipsum mox experimentum daturus sum; post specimen librum, non magnum aut vastum, saculi more; quia LINEA duntaxat erit: immensum tamen, quia universum terrarum Orbem complectetur.

Ad E. PVTEANVM, Pontificis nomine missa.

★★ Plura intelliges ab Eminentissimo D. Cardinali BENTIVOLO, qui tibi Sanctissimi D. Nostri mentem exponet, de LINEA, quam tua Urbanitas VRBANIAM vocat, deque regula, quam statui in Rubricis Officii desideras. Interim Sanctitas sua paternam tibi benevolentiam pollicetur, atque Apostolicam benedictionem toti familiæ peramanter impartitur. Romæ A D. XXX. April. M. DC. XXXI.

EMINENTISSIMO DOMINO

GVIDONI BENTIVOLO,

S. R. E. CARDINALI,

E. PVTEANVS S. ET LINEAM DIERVVM mittit.

Majori jam fiduciâ agam, Eminentissime Cardinalis; postquam ad te mittere, quæ de principio vix in præjugi meditatione designâram

ram, iussus sum. Rem usum novam (saeculo jam ad maturitatem provento) eruere, arduum est: illi proponere, qui inter homines Summus est, & cali in terris munia regit, non cuiusvis. Alterum meo ingenio ausus sum, alterum tuo audebo. Meum munus, tua manus erit; mea mens, tua lingua: ut qua scripsi, ad normam sublimis iudicii tui exigas; qua breviter simplicitérque, quadam velut eloquii luce vestias & ornes. Pauca sunt, & solam LINEAM continent: pauca, & post Annos etiam Dies corrigi posse ostendunt; relictum esse à GREGORIO, quod pari VRBANVS auctoritate praestet. Adhuc errant Anni, quia ubi incipiant Dies, constitutum non est: non possunt autem sine diebus principium suum Anni habere. Sive rem examines, novo in Sphaera Circulo opus est: sive nomen, non potest nisi ab VRBANO imponi. Velit ille jubeátque in Orbe principium Dierum esse, & qui finem inveniet CIRCVLVS, aternus erit. Faciet docta facundia tua, ut velit ac jubeat.

ERYCI

ERYCI PVTEANI
CIRCVLVS VRBANIANS,
S I V E
LINEA Ἀρχιμεδων:

*Quâ Dierum Civilium Principium Hieraticum,
in Orbe hætenus desideratum, constituitur.*



D majestatem Ecclesiæ Catholi-
licæ facit, Divina in Orbe terra-
rum Officia ordine ubique cele-
brari. Ordo tempore definitus est:
tempus septem dierum Civilium
laterculo decurrit; quæ hebdomas est, & Harmo-
nicâ Planetas ratione continens, profana ma-
luit nomina religioso in ferias numero com-
mutare. Quamdiu Antipodes ignorati, vel neg-
lecti fuere, nostro *ἡμῶν* Hemisphærio
clausum fuit, & abscondi error potuit. Princi-
pium terræ, Principium dici erat. Ab Indis &
Gange,

*At mil.
lib. a.*

----- *ubi se primis extollit Phæbus ab undis,*
Paullatim per Persiam, Syriam, Græciam, Ita-
liam, Hispaniam in Oceanum vectus, mergi aquis
credi-

creditus est, quemadmodum ex aquis emerferat. Verum enim verò postquàm, patefacto undique Orbe, geminâ ad Antipodes viâ itum est, & circumduci à navigantibus dies cœpit; habere initium suum desijt, ac ne finem quidem invênit. Terra enim, vastis quam ubique spatij sinibusque mate interluit, circulus est: sed nullum in circulo principium esse, nullum finem (quia ubique incipit desinitque) ratio figuræ ostendit. Etiam dies circulus est, & Sol ad se rediens dies est, qui ubique nascens ac denascens, summum ubique & inum cælum occupat; cùm & toto ubique ambitu sibi reddatur, nullum agnoscit terminum, ut quemcumque admittat. Omnes quidem qui hunc globum homines incolunt, distinctis velut lineis, ut ortum suum, & occasum, ita meridiem & mediam noctem habent; & plerique jam à media nocte, Romano more, initium *ῥημέρας* computant: at quinam primi, quinam postremi habeant computentque, & quo limite primi à postremis separentur, nemo adhuc statuit: nemo, in qua parte Orbis primus ortus aut occasus, primus meridies aut media nox collocanda esset, imò an esset, inquisivit.

Liceat igitur in hanc mihi curam, tempora omnia ex tempore computanti, incumbere; liceat, inquam, in Orbe principium finemque invenire; ut ubi primum incipiat dies, qui ubique incipit; & quò reductus tandem desinat, qui ubique desinit, loco & termino constituto, publicè decernatur. Quamdiu volvitur, qui nunquam non volvitur, aliis, aliisque incipit; sed nisi incipere alibi desinat, semper incipiet, & unus idemque apud omnes erit. Incipiet verò, quia semel desinet; & desinet, quia rursus incipiet, semper locum, semel nomen uno circuitu mutans. Quid verbis opus? Ex se nasci diem, citiusque non esse, quàm non moveri dixerim. Nimirum quot Meridiani, tot esse initia possunt, quorum omnium unum aliquod ponendum initium est: id autem quia ubique hætenus fuit, tanquàm nullum esset, ignoratum est. Suum enim singuli computârunt. Motu tempus, tempore motum expendamus, morâ circuitum, circuitu moram. In quatuor quadrantes, quorum singuli partes nonagenas habent, & viginti quatuor horas, quæ æquales sunt, *ωχθήμερον* divisum est; quâ quidem ratione quindecim partibus horæ singulæ exæquantur. Qui quadrante circuli

circuli à quocumque distant ortu, sex horis tardius diem accipiunt; qui semisse, duodecim; qui dodrante, octodecim; qui toto circulo, vigintiquatuor, id est toto die. Itaque cùm postremi primum cuiusque hebdomadis diem, primi, qui continui sunt, secundum ineunt; cùm primi primum, postremi ultimum: prorsus qui loco non distant, vigintiquatuor horis separantur. Et an ulla tam lata vicinia est? totum terrarum circuitum continet: an ulla angustior? lineâ continetur. Iunguntur, ut sic dicam, tempora, quæ disjuncta sunt, & in uno eodémque die duo numerantur. Sed ita se res habet: momento temporis vigintiquatuor horæ expungendæ sunt, quæ *νυχθήμερον* constituunt: nisi enim ejusmodi detrimentum sit, nullum esse initium potest; ac nisi ejusmodi initium sit, frustra *νυχθήμερον* computamus. Sanè idem, ut insinuavi, dies, quia nunquam desinet, semper circumducetur; imò unus ille, quia semper incipiet, omnes unum faciet, omnisque temporis distinctio, ac numeratio peribit. Deprehendunt hoc arcanum, neque satis adhuc intelligunt, qui Orbem terrarum pleno labore emetiuntur; vel etiam qui apud Antipodes contrario sibi iti-

nere occurrunt. Etenim ab ortu in occasum navigantibus dies unus uno circuitu in lucro est; ab occasu in ortum, unus interit. In occasum, id est cum Sole, quod Hispanorum, novas terras quærentium, iter fuit: in ortum, id est adversus Solem, quod Lusitanorum. Hoc discrimine quia ad Antipodes lati sunt dies, nec terminus servatus est, confusi sunt: Sacrorum autem ratio, quæ dies sequitur, obtinere temporis ordinem non potuit.

Quid igitur? Remedio opus, ut mundus tandem dies accipiat; confusio, error, hallucinatio tollatur; imò ut dies ipsi lucem accipiant, tenebræ autem, quæ confusionem, errorem, hallucinationem adtulere, evanescant. Adhuc qui Orbem terrarum circumnavigant, & post quindenas singulas partes horâ unâ, post treceñas sexagenas toto die tardiora, vel maturiora habent tempora; mirantur alium se, confecto ambitu, invenire diem quàm adferant; ignorant interim, diem unum ætati suæ vel adjectum, vel demptum eâ navigatione esse. Remedio, inquam, opus: CIRCULO novo opus, quem VRBANIANYM; LINEA novâ, quam Ἀρχιμερινὴν appello. Circulus ille autem per utrumque polum,

lum, Meridiani instar, ducendus, principium
dierum civilium hieraticum, hætenus in terris
desideratum, ac finem exhibebit, divortium
& copulam, spatium ac dimensionem. Quip-
pe integrum in se *ῥαχθήμερον*, totamque tem-
poris, inæqualitatem recepturus, demet trans-
cuntibus, quantum unus in occasum circulus
addit; addet, quantum unus in ortum eripiet.
Oportebit verò, cum qui hanc Lineam tanget,
momento temporis de die in diem transilire,
tanquam augere vel imminuere ætatem possit:
compendio quidem viginti quatuor horarum,
si adversus Solem ierit; pari damno, si cum Sole.
Hac enim ratione qui totâ in occasum naviga-
tione accessurus erat dies, expungetur; qui con-
trariâ in ortum insumendus, recuperabitur:
hebdomâsque vel in sex contrahetur dies, vel
in octo exibat.

Ad nomen venio, non infimum rei pretium,
si mysterii decus etjam amœnitate censeatur.
Sed quod majus sanctiûsque, quàm ab VRBANO?
Sanè VRBANIANSVM vocari hunc CIRCVLVM, ad
felicitatem sæculi denotandam faciet: & quem
Sphæræ omnes deinceps recipient, homines ipsi
publico sibi beneficio datum ab VRBANO VIII.

Pontifice Optimo Maximo, ad Orbem illustrandum nato, agnoscent.

Reliquum est, ut de loco statuatur. Per mare enim, non per terram hæc ducenda est linea, & per illum Orbis tractum, qui ab hominum confortio quàm maximè separatus, receptam hæctenus consuetudinem minimè turbaturus sit. Maria in hac terræ mole præcipuè duo sunt: Atlanticum, Europæ nostræ à Columbo primùm apertum, prisca Oceani appellatione; & vastum illud, quod Americam à tergo claudit, incerto adhuc nomine, aut improprio, ut *Ἀρχιμεγών* quoque, aut PHILIPPICVM, quia PHILIPPI Regis auspiciis præcipuè navigatum, appelletur. Alterum quidem proximum nobis, & jam quasi familiare est; alterum remotum, longoque, sed tranquillo, per occasum in Orientis insulas spatio profusum. Libratis utrimque rationum momentis, remotum, proximo præterito, eligam, novum, ut sic dicam, Oceanum, novæ aptum LINEÆ, novoque CIRCULO, qui velut terminus Orientis Occidentisque statuatur. Mare, inquam, PHILIPPICVM, sed ubi mare duntaxat est, nullis, quantum fieri possit, terris insulisque impeditum; ubi libero impetu in extrema Se-
pten-

ptentrionis Austriq̃ue latera excurrit. Ne plura dicam; Natura ipsa & locum ostendit, & longitudinem notat, partium cex. scrupulorum xxx. Siqui Novam hîc Albionem statuunt, imperitè statuunt. Citeriorem enim esse, quàm vulgò describi solet, ac longo in Orientem intervallo recedere hanc Draci terram, quæ pro terra propemodum habenda non est, accuratiores observatio docuit. Naturam quoque ne urgeam, ipsa ad hoc mare navigatio ducit, in Orientem à Lusitanis, in Occidentem ab Hispanis directæ: qui si mutuo & viciniore Americæ occursum servassent terminum, videri poterant jam tum dierum Lineam designasse. ALEXANDER quoque VI. Pontifex Maximus, cùm novo Orbem Circulo inter duos Reges divideret, magis litem componere, quàm ordinare Diem studuit. Quid? Si tam Romam, quàm Brasiliam respiceret, agebat, quod VRBANO VIII. relictum est. Præterea, ut hæc constitutio est, nullam ferè perturbationem Orbis terrarum sentiet; & tranquilli fastorum manebunt calculi, quemadmodum Tranquillum Circulus noster mare (Pacificum dicunt) occupabit. Pauca tantum Indiæ Orientalis insulæ unum amittent diem; ut omnes, & ordine,

ordine, quotquot hebdomade clauduntur, accipiant. Solæ Philippinæ, & siquæ ab Hispanis præterea trans Circulum Urbanianum detectæ & occupatæ sunt, uno cogentur die decedere: cedere unum Lusitanis, ut simul ab Oriente accepisse hebdomadem videantur. Solido sic quidem, æquabili, perpetuoq; nexu Orbis jungetur Orbi, & novus cedit veteri, ut maximum agnoscat beneficium, quod maximè commune erit, & dies, dierumque principium rectè tandem computet. Ad summam, CIRCVLVS ipse *Ἀρχιμεγίστος* à polo sic utroque descriptus, supernè per urbem Romam transiturus, submittet se VRBANO suo, ut nomen accipiat, & Æternitati consecretur; imò ut legem accipiat, quâ universus deinceps Orbis teneatur. Quam legem? De omittenda in Sacro Officio feria, si quis in Occidentem navigans, hunc limitem attinget; vel duplicandâ, si quis in Orientem contrario iter cursu diriget. Linea lex erit, Roma rubrica, & hanc lineam, hanc legem, hebdomade constitutâ, subibit Pascha quoque; ille non dies tantum, sed dierum dies; Soli obnoxius, quia Dominicus est; Lunæ verò, quia Pascha. Tria hic verò spectari solent; Æquinoctium, Plenilunium,

nium, ipsum denique Festum, ab utroque Religionis causâ semotum. In Plenilunio potissima difficultas est: quod cum in unum certumque temporis punctum, aliam aliâmq; toto circuitu horam occupantis, incidat; non unâ quoque apud omnes horâ computatur. Romanæ igitur urbis, & Plenilunij in Romana urbe obseruati (extremum præsertim sabbati tempus attingentis) ratio habenda erit; ut si hîc ritè Festum celebretur, nullibi vitium, etiam sequente Plenilunio, videri possit. Omnes hoc modo, qui Orbem terrarum circumquaque incolunt, unam inhabitare urbem, unum habere Meridianum dixerim. Omnes habebunt Pascha, una Plenilunium; una dabit Pascha, Plenilunium nonnullæ negligent. Vna Roma, adhuc Domina; sed in ipso nunc demum Orbis meridie constituta, & sub VRBANO radians, tanquàm Solem mortalibus dispenset. Novum sic igitur terris omnibus beneficium, novum sphaeris tabulisque lumen veniet: lumen à die, qui à media nocte exsurget; beneficium ab VRBANO, qui diem nocti daturus est.

AMPLISSIMO VIRO,

ET AMICO SVMMO,

E. P V T E A N O,

CIRCVLVM VRBANIANVM Ἀρχιμεγίστου
molienti,

GODEFRIDVS WENDELINVS S. D.



INTER ea, quæ sæculi nostri felicitatem supra omnium retrò temporum gloriam extulerunt, primo loco numerandum puto, quòd Deus O. M. illum Ecclesiæ suæ Pontificem dedit, quo vno jam inde à Damaso nullus fuit aut constituenda doctior, aut ornanda scientior. Neque falli me fatebuntur quotquot honesta intelligunt, vel pulchra æstimant. Enim verò satis hoc ipsum loquuntur Hymni nuper editi: quos deter-sâ rubigine, quam Barbarorum sæculorum squalor affricuerat, fulgere jam clarius gaudemus, & sonare urbanius. Ac gliscit spes, iisdem auspiciis fore propediem, ut reliqui simul Officii Sacri restituta majestas vivam religionem spir-et divinius.

Inde

Inde sanè jam confido, placituram tuam cogitationem nuperam, & super eâ Dissertationem scripto consignatam, de Circulo, quem in terris constituendum censebas, Αρχμεγεωv, & VRBANIANVM appellabas. Nam ut suffragium meum scias, digna nomine tuo res est, & quam tantus tamq; omnium rerum scientissimus Pontifex sacro edicto sanciat: ut inter Breviarii Rubricas illa quoque cum primis necessaria lex emineat, qua dierum sacrorumque, navigantibus in Occidentem exemplium, contendentibus in Orientem intercalarium formulas præscribat, ubi & quando hebdomas vel in sex dies contrahenda, vel in octo extendenda sit. Quod me hortaris verò, ut TETRAMYRIADEM VRBANIANAM pariter elaborem, faciam sedulò, sic fortè PASCHALE hoc aeternum Ecclesie approbaturus; qua simplicissimo ac facillimo huius beneficiò poterit deinceps compendium invenire morosarum Aequationum, quibus lancinantur ingenia, dum Epactas expangere coguntur per Aureos numeros; & hos ad Calendarium Iulianum, jam rancidum ac meritò antiquatum, iubentur dirigere. Calendarium denique Iulianum cum Gregoriano contendere quantus labor est! Dicat te viam scitari a caco, able-

gari ad alium cacum, & ad tertium tandem remitti: ut per multos anfractus nihil aliud discas, quàm operosè claudicare. Principium Tetramyriadis illud delegi, quod unà cum Calendis Ianuarijs ac Martijs Novilunium representet: hoc est, cuius anni Epacta sit * asteriscus; à quo hic annus volvitur 19231. Et favet casus pulcherrimus, quòd abinde septimus quisque nobis exhibet in Septembri Sabbaticum ineuntem. Tibi quid videtur? An non & hoc partem faciet INDIGITAMENTORVM tuorum? Nullus profectò dubito, quin Cyclorum hoc omnium compendium subitariis perinde ac supputariis gesticulis felicissimè, ut reliqua id genus, sis dispuncturus. Vale Vir Præstantissime, ac me, quod facis, amare perge. Bethasis, ipso Æquinoctii Verni die, qui S. Ioachimo sacer, labente anno Tetramyriadis 19231. qui est Epochæ Christianæ Censualis 1631.

IOSEPHVS

IOSEPHVS A COSTA

SOCIETATIS IESV

LIB. III. CAP. XXIII.

*Historia Naturalis & Moralis
Indiarum Occidentalium.*

VI diversum mundi iter ingressi, apud Antipodes sibi navibus occurrerunt, totum gemino semisse circulum implerunt. Hispani quidem in Occidentem navigando, Lusitani in Orientem, quas detexere terras, videntur conjunxisse. Quæ profectò res observatione digna est: cùm alteri ab Occidente in Siam & Iaponiam; alteri ob Oriente ad Philippinas, proximas Sinesibus insulas, penetrarint. Ab insula enim Luzonia, quæ Philippinarum præcipua est, urbemque Manillam habet, Macaum usque, quæ juxta Iaponiam insula est, octoginta duntaxat, vel centum milliaria mari numerantur. Hic tamen, ubi tam exiguum loci intervallum est, integrum dici discrimen esse, quis non miretur? Temporis enim calculo cùm

C iij.

in Ma-

in Macao Dominica est , Manillæ Sabbatum computatur , & sic de reliqua hebdomadis serie. Macæenses enim & Sinenfes die uno præcedunt: contra Philippinenses uno sequuntur. Id quidem F. Alphonso Sanchio contigit, qui cum è Philippinis solvisset, venit, supputatione suâ, in insulam Macaum postriam Kalendas Maii. Recitaturus autem preces Horarias, in honorem S. Athanasii , deprehendit loci incolis Inventionem S. Crucis celebrari. Quinctum enim Non. Maii Fasti inibi exhibebant. Idem illi, alio etiam tempore, sed contrario errore, huc redeunti evênit. &c.

IN ALTERCATIONE

HADRIANI ET EPICTETI.

HAD. *Quid est Dies?* EPICT. *Stadium laboris, principium quotidianum, aterna computatio.*

NOBILI,

IOSEPHO GELDOPHO

A R Y C K E L,

Monasterij S. GERTRVDIS Louanii Abbati

E. PVTEANVS S. D.

DE NICOLAO OVDARTO sermo nobis fuit, viro & tuum calamum, & affectum omnium promerito. Elegantis ingenii fuit, & planè ad suauitatem carminis, & candorem Litterarum. Qua alia scripsit desino recensere: doctissimum sanè, & prorsus admirandum FASTORVM SACRORVM COMPENDIUM est: quo me quoq; excitatum fateor, ut partem studiorum meorum Dies, Menses, Annos, ipsumq; à quo hac omnia pendent, Cælum facerem. Quid consecutus sim, vides: Tempora omnia, incredibili facilitate, ex tempore computo. Opus dignum fortassis luce, quia à Magnis, Doctis, Amicis expetitur: et jam à WENDELINO nostro, temporibus constituendis nato; qui huic, ut sic dicam, ex temporalitati nostra felicissimos calculos suos libens submittit. Præcipua in diebus ratio est: quos omnes

omnes, tam prateritos quàm futuros, tanquàm unum & praesentem habeo; & sic quicquid omnibus continetur. Deesse principium, quis putaret? Hoc investigavi, inveni, constitui, & LINEAM VRBANIANAM, siue Αεχνηερινὴν appellavi Quid meditat^{us} sim & scripserim, in hoc nunc Compendio ostendo. Ut ad OVDARTVM redeam, dedit ille Fastos, & ut Mathematicum ageret, eruditissimum se ostendit. In me benignus, nomen meum exactissimo Anagrammate exornavit: vel me potius monuit, luctandum esse, si nomen vellem vel ultra malevolentiam, vel calumniam efferre. Coge literas, rem examina: VERVS PYCTA VENIS. Ita est, πύκνῆς, siue pugil sum, fui, ero. Sed nonne per luctam ad palmam? Qui sum, tuus sum, & ut fui, ero. In Arce, XVII. Kal. Quintil.
∞ . IDC. XXXII.

F I N I S.

C E N S V R A.

Ditem videat hic Circulus, hæc Linea, ut certum dierum civilium principium Hieraticum constituatur. Lovanij 6. Aug. 1632.

MART. LVNÆCENIVS S. Theol. L. & Profes. Ordinarius
Apostolicus ac Regius Librorum Censor.

CVM GRATIA ET PRIVILEGIO.